



Mónica González Pavón, secretària accidentau deth Conselh Generau d'Aran

CERTIFIQUI:

Qu'ena Session Extraordinària deth Plen deth Conselh Generau d'Aran deth dia 16 de hereuèr de 2024 s'adoptèc eth següent acòrd, qu'a resèrva dera aprobacion der acta, ditz literaument çò que seguís:

1èr.- APROBACION, SE PROCEDÍS, DETH PLEC DE CLAUSULES ADMINISTRATIVES PARTICULARES E DES PLECS DE PRESCRIPCIONS TECHNIQUES PARTICULARES, DER EXPEDIENT DE CONTRACTACION E DERA LICITACION DETH CONTRACTE MIXT DETH SERVICI DE GESTION INTEGRAU DERA REMASSADA E EVACUACION DE RESIDUS DERA VAL D'ARAN, SERVICI DE REDACCION DETH PROJÈCTE EXECUTIU E EXECUCION DES ÒBRES D'ADEQUACION DETH CENTRE DE TRANSFERÈNCIA DE RESIDUS" MEJANÇANT PROCEDIMENT DUBÈRT SUBJÈCTE A REGULACION ARMONIZADA, DAMB TRAMITACION ORDINÀRIA.-

Vista era memòria justificativa de data 9 de hereuèr de 2024 deth Conselhèr de Gestion Ambientau e Transicion Energetica deth Conselh Generau d'Aran qu'a de regir era licitacion deth contracte mixt entara "*Gestion integráu dera remassada e evacuacion de residus dera Val d'Aran, servici de redaccion deth projècte executiu e execucion des òbres d'adequacion deth centre de transferència de residus*" ena quau se da compde deth besonh de licitar aguest contracte per, entre d'auti es motius següents:

1. Eth Conselh Generau d'Aran a delegada des Ajuntaments dera Val d'Aran era competència dera recuelhuda domiciliària de residus, eth sòn tractament e era sua posteriora eliminacion.
2. Se pretèn ua miellhor gestion deth servici e ua optimizacion dera remassada de lordères en tot garantir ua adequada separacion des fraccions entà minimizar er impacte ambientau que generen es residus e obtíer era maxima eficiència economica qu'aguesti generen, atau coma un canvi en servici.
3. Òbra d'adequacion deth centre de transfrència.

Vist eth Decret de Sindicatura num. 0062/2024 de 9 de hereuèr, en quau se demane informe per part dera Secretaria e dera Intervencion de Hons.

Vist er informe favorable de Secretaria.

Vist er informe dera Intervencion de Hons sus eth percentatge que supause era contractacion en relacion damb es recorsi ordinaris deth pressupòst vigent, as efèctes de determinar er organ competent entà contractar.

Visti eth Plec de clausules administratives particulars e es plects de prescripcions techniques redactadi.

Cossent damb eth certificat favorable d'existència de crèdit adequat e sufisent dera Intervencion de Hòns, eth finançament d'aguest contracte ei previst ena vinculacion dera





aplicacion pressupostària num. 2024/01.1622.227.99 deth pressupòst generau prorrogat deth Conselh Generau d'Aran entar exercici 2024 e següents.

Cossent damb çò que dispausen es articles 18, 25, 28, 116, 117, 118.1, 122, 156 e Disposicion addicionau tresau.2 dera Lei 9/2017, de 8 de noveme, de Contractes deth Sector Public, e vist eth dictamen positiu dera Comission Informativa Permanenta de Servicis Generaus deth Conselh Generau d'Aran de data 13 de hereuèr de 2024, se prepausa ath Plen era aprobacion deth plec de clausules administratives particulars e des plecs de prescripcions tecnicas particulars, der expedient de contractacion e dera licitacion deth contracte mixt deth “Servici de gestion integráu dera remassada e evacuacion de residus dera Val d'Aran, servici de redaccion deth projècte executiu e execucion des òbres d'adequacion deth centre de transferéncia de residus” mejançant procediment dubèrt subjècte a regulacion armonizada, damb tramitacion ordinària.

Un viatge sosmetuda era prepausa a votacion e debat, s'obtien nau (9) vòts a favor dera sindica e des conselhèrs Mgf. Sr. Amador Marqués Atés, Mgf. Sr. Francisco Bruna Capel, Mgf. Sra. Àngela Cases Andreu, Mgf. Sr. Javier Caveró Sáez, Mgf. Sr. Oriol Sala Sánchez, Mgf. Sr. Josep Canut Herraiz, Mgf. Sra. Maria Menis Farré, Mgf. Sr. Andreu Cortés Labrid e quate (4) abstencions des conselhèrs Mgf. Sra. Ròsa Maria Salgueiro Pujòs, Mgf. Sr. César Ruiz-Canela Nieto, Mgf. Sr. Óscar Canut Herraiz e Mgf. Sr. Francisco José Rodríguez Berart, pera quau causa s'acòrde per majoria absoluta des membres presents deth totau de tretze (13) que formen era Corporacion:

Prumèr.- Avocar era competéncia entara aprobacion der expedient de contractacion entara “*Gestion integráu dera remassada e evacuacion de residus dera Val d'Aran, servici de redaccion deth projècte executiu e execucion des òbres d'adequacion deth centre de transferéncia de residus*” cossent damb çò que dispausa er acòrd deth Plen deth Conselh Generau d'Aran de 30 de junh de 2023.

Dusau.- Aprovar era autorizacion dera despena de caràcter pluriannuau tà amiar a tèrme eth contracte mixte entara “*Gestion integráu dera remassada e evacuacion de residus dera Val d'Aran, servici de redaccion deth projècte executiu e execucion des òbres d'adequacion deth centre de transferéncia de residus*”, en tot èster es compromissi de despenes per un periòde de dètz (10) ans, corresponent ara durada maxima deth contracte.

Tresau.- Ampliar, cossent damb era longada totau deth contracte (8 ans mès 2 ans de prorròga) eth numerò d'exercicis posteriors a que pòden aplicar-se es despenes de caràcter pluriannuau previstes en punt anterior cossent damb çò que dispausen es articles 81 e 84 deth Reiau Decret 500/1990, de 20 d'abriu, peth quau se desvolope eth capitol Prumèr deth Títol Siesau dera Lei 39/1988, en materia de pressupòsti (RD 500).

Quatau.- Aprovar eth Plec de clausules administratives particulars e es Plecs de prescripcions tecnicas particulars qu'an de regir eth contracte mixt de “*Gestion integráu dera remassada e evacuacion de residus dera Val d'Aran, servici de redaccion deth projècte executiu e execucion des òbres d'adequacion deth centre de transferéncia de residus*”, Plecs que s'adjunhen coma annèxe en expedient e que demoraràn a disposicion des personas fisiques e/o juridiques interessades.



Conselh Generau d'Aran

Cincau.- Aprovar er expedient entara contractacion deth contracte mixt de “*Gestion integráu dera remassada e evacuacion de residus dera Val d'Aran, servici de redaccion deth projècte executiu e execucion des òbres d'adequacion deth centre de transferéncia de residus*”, mejançant procediment dubèrt subjècte a regulacion arminitzada, damb tramitacion ordinària, cossent damb çò previst enes art. 28, 116, 117 e Disposicion addicionau tresau dera LCSP.

Siesau. Dispausar era dubertura deth procediment dubèrt de contractacion, en tot procedir ara publicacion der anonci de licitacion en perfil deth contractant e er enviament en DOUE en tot daurir en aguest moment eth tèrme de trenta-cinc (35) dies naturaus entara presentacion d'aufèrtes, cossent damb çò que dispausa er article 156 LCSP.

Setau.- Notificar aguesti acòrds as Ajuntaments d'Aran.

Uetau.- Facultar ara Sindica d'Aran, en nòm e representacion deth Conselh Generau d'Aran, entara signatura de quanti documents publics e/o privats siguen de besonh tà her efectives era tramitacion e execucion des acòrds anteriors.”

(...)

Eth tèxte definitiu d'aguest acòrd serà çò que resulte dera aprobacion dera acta.

E, entà qu'atau cònte ar efècte oportun, signi aguest certificat d'orde e damb visteplatx dera Sindica.

Vielha, signat electronicament

Vist e platz
Era Sindica

Maria Vergés Pérez